

اتحاد و ترقى فرقه سنك نظامنامه داخليسى

B. M. M. Kütüphanesi

Bu eser Kütüphaneden dışarı Çıkamaz



B. M. M.	
Kütüphanesi	
No. :	1341 - 648
Remiz :	۱۲-۲۲ 283

طین مطبعه سی

۵.۵
۱۳۴۱
۱-۶۴۸

اتحاد و ترقی فرقہ سنک نظامنامہ داخلیسی

برنجی ماده : فرقہ نک اجتماعہ مخصوص
اولق اوزرہ بر دائرہ تدارک ایدیلہ جک واشبو
دائرہ نک کراسیلہ مصارف سائرہ متفرقہ سنہ عموم
اعضا طرفدن اشتراک اولنہ جقدر .

ایکنجی ماده : فرقہ نک بر رئیس اول ایله
درت رئیس ثانیسی وایکی کاتب ایله ایکی اداره
مأموری وبر وزنه داری اوله جقدر . اشبو هیئت
رأی خفی و اوج آی مدتلہ انتخاب اولنہ جقدر .

اوجنجی ماده : هیئت اداره رئیس اولک
وبولنمدینی تقدیرده صره ایله الک چوق رأی
قرانمش اولان رئیس ثانیلردن برینک تحت ریاستده
اجتماع ایدہ جک و فرقہ نک خصوصات و معاملات
عمومیہ سنی اداره یه مأمور اوله جقدر .

دردنجی ماده : فرقہ نک یوم اجتماعلری هیئت
اداره جه تعیین اولنہ جق و روزنامہ مذاکرات ایله
برلکده اعضاسنه بیلدیریلہ جقدر .

بشنجی ماده : هیئت اداره هفته ده لا اقل
پر دفعه اجتماع ایده جکدر .

التنجی ماده : فرقه اعضای مرتبه نك نصفندن
برفضله سی بولمدججه هیچ برقرار اتخاذ ایده مز .
اعضای موجوده نك ثلثان اکثریت آراسیله ویریلان
قرارلره عموم فرقه اعضای اتباع ایده جکدر .

یدنجی ماده : روزنامه ده مندرج مواد حقده
بالوکاله رأی ویرمک جائزدر . وکالتک تحریری
اولسی شرطدر . وکیلک رأی اصیلک رأی عد
اولنه رق اکثریت تشکیکنه مدار اولور .

سکزنجی ماده : هیئت اداره عقد مجلسله
فرقه نك هیئت عمومیه سنده موقع مذاکره یه وضع
اولنه جق موادی تعیین واحضار ایده جکدر .

طقوزنجی ماده : مسائل عاجله ونا کهظهورده
بالمذاکره سریعاً برقرار اتخاذ ایلك اوزره هیئت
اداره مجلس مبعوثانده فرقه یه منسوب اولان
اعضای موجوده یی جمع ایلیه جکدر .

اوتنجی ماده : بعض مسائلده مختلف فرقه لره

ائتلاف افکار حصولی مطلوب اولدینی تقدیرده
فرقه رؤسائی دیگر فرقه لر رؤسائیله مذاکره یه
مأذوندر . هر حالده رؤسائیله نتیجه مذاکره یی
فرقه اعضاسنه بالتبلیغ اکثریت حاصل اولدینی
تقدیرده قرار اعطا ایدیله جکدر .

اون برنجی ماده : مفسوخدر .

اون ایکنجی ماده : فرقه جه تحت قراره آلمان
مسائلک مجلس مبعوثانده مدافعه و ترویجی ایچون
مدافعلر تعیین ایدیله جک و فقط قرارک لهنده اعضای
سائره دخی سوز سویلیه بیله جکدر .

اون اوچنجی ماده : فرقه نک حکومتله مناسبتی
اصول مشروطیت دائره سنده جریان ایده جکدر .
اعضادن هیچ بری فرقه نک قراری اولمقسزین
فرقه نامنه حکومت اجرائیه یه مراجعت ایتیه جکدر .
یونک خلافت حرکتی ثابت اولاندر ثلثان اکثریت
آرا ایله فرقه دن اخراج ایدیله جکدر .

اون دردنجی ماده : وکلای دولتدن وقو-
عبوله جق استیضاح لر فرقه نک اکثریت آراسیله
واقع اوله جقدر .

اون بشنجي ماده : ضبطنامه تنظيمنده متخذ
اصول وجهله هرا اجتماعده موجود اعضاتك وتوديع
وكالت ايدنلك اساميسي ضبطنامهك بالاسنه
يازيه جقدر .

اون التنجي ماده : اشبو پروغرام ايله نظامنامه
داخلي قبول ايدن هر مبعوث فرقيه داخل
اوله بيله جقدر .



